

Marcé

Išvērs tujau Marcé kleckīnē.
Šērdēs anuos jau gegožēnie.
Šēt tešla so kiaušiu išmaišē,
I gnaibītē jiemē nagaišos.

I gnīb vēs, i met i varēni.
I truoba sovērta vaikēnā.
Līdies anēj Marcé i šuokius,
Jug merga tēkrā na bi kuoki.

Vo tešla kāp medus pri pērštu
Vēs limp. Marcé praded jau nērštē.
Priš gnībdama seiliem paspjauda.
Naspiejē bernā sosēgaudīt –

Kleckīnē garou jau ont stala.
Vaikēnā nostebē ba gāla.
I saka Juokūbs apsēdžiaugēs:
“No, Marcé, – esi spjaudagniaužē!”